


Cumegn Albula/Alvra



Lescha davart l'economisaziun digl rusment (Lescha da rusment)

Approvada dalla radunaza communal digls 18 da mars 2016 e messa an
vigour dalla suprastanza communal per igls 1. da schaner 2017

Cuntign

	Artetgel
I Generalitads	
Validitad e scopo	1
Incumbensas digl cumegn	2
Infurmaziun e cunsegliaziun	3
Resalva digl dretg superiour	4
II Economisaziun digl rusment	
1. Generalitads	
Speztgas da rusment	5
Obligaziuns dalla populaziun e digls menaschis	6
Scumonds	7
2. Posts da rimnada	
Furmaziun	8
Mantignamaint e renovaziun	9
3. Menaschi da rimnada	
Recepziun digls rusments	10
Dretgs ve digls rusments	11
Obligaziun d'adiever	12
Plan da dismessa	13
Rusments rimnos separadamaintg	14
Rusments d'abitadi masdos	15
Roba bloccanta	16
Apparats electrics ed electronics	17
Rusments speziels ed oters rusments sottaposts ad en'obligaziun da controlla	18
Rusments da construcziun	19
Vanzadeiras da tgadafi da menaschis da gastronomia	20

4. Stabilimaints da rusment

Stabilimaints communals	21
-------------------------	----

III Finanziaziun**1. Expensas digl cumegn****1.1. Generalitads**

Speztgas da taxas	22
Stabilimaints privats	23
Obligaziun da paer taxas	24

1.2. Taxas da rusment

Taxa fundamentala	25
Disposiziun	26
Taxas tenor quantitat	27
Taxa supplementara per quantitads pi grondas da rusment da menaschis	28

1.3. Taxas per prestaziuns da sarvetsch spezialas

Tariffas per prestaziuns da sarvetsch spezialas	29
---	----

1.4. Meds legals

Protestas	30
-----------	----

IV Determinaziuns executivas e finalas

Execuziun	31
Disposiziuns penalas	32
Referendum, vigour, dretg transitoric	33

Agiunta 1: Tariffa da taxas

I Generalitads

Art. 1

Validitad e scopo

- 1 Chesta lescha regla la furmaziun, igl adiever, igl mantignamaint, la renovaziun e la finanziaziun da posts da rimnada e stabilimaints da rusments sen igl territori digl cumegn Albula/Alvra, schinavant tg'igl cumegn è cumpetent persiva.
- 2 La lescha ò igl intent d'allontanar ecologicamaintg igls rusments tgi sa resultan aint igl cumegn. Aint igl rom dalla cumpetenzza digl cumegn regla ella l'economisaziun digls rusments d'abitadi, digls rusments speziels ed oters rusments sottaposts ad en'obligaziun da controlla.
- 3 Per posts da rimnada tgi vignan planisos e construias aint igl rom d'ena planisaziun d'areal u quartier, valan las determinaziuns dalla lescha da biagier per la planisaziun d'areal e quartier. Schinavant tgi mantgan prescripziuns spezialas, èn decisivas las disposiziuns da chest reglamaint er per la procedura digl plan d'areal e quartier.

Art. 2

Incumbensas
digl cumegn

- 1 Igl cumegn procura per tot las incumbensas tgi surstattan ad el tenor igl dretg federal e cantunal an connex cun l'economisaziun digl rusment. Ella collaborescha cun las instanzas federalas e cantunalas.
- 2 Igl cumegn magna igl sarvetsch da rimnada digls rusments d'abitadi inclusiv pischnas quantitads da rusments speziels. El destigna igl li da rimnada, erigia e magna posts da rimnada publics e dismetta cun resalva digl art. 20 igls rusments rimnos separadamaintg. El regla la finanziaziun dalla dismessa digls rusments d'abitadi.
- 3 Igls possessours da bagns immobigliars èn sezs responsabels per la compostaziun da rusments organics sen lour curt ed iert. Per tschispet, roma e tgossas sumigliaintas metta igl cumegn a disposiziun plazs da deponias.
- 4 La suprastanza communal pò surdar singulas incumbensas cun contract ad otras corporaziuns da dretg public u ad interpresas privatas.

Art. 3

Infurmaziun e
cunsegliaziun

- 1 Igl cumegn procura l'infurmaziun e cunsegliaziun dalla publicitad per contanscher ena reducziun dallas quantitads da rusment scu er ena reutilisaziun, en'utilisaziun raschunevla u en tractamaint e deposit ecologic digls rusments.
- 2 El orientescha periodicamaintg la publicitad davart pussebladads per evitar, redutgier ed utilisar igls rusments e davart ulteriouras maseiras per l'economisaziun digls rusments.

Art. 4

Resalva digl dretg
superiour

- 1 Schinavant tgi chesta lescha na cuntigna nignas disposiziuns spezialas, valan las prescripziuns dalla lescha da biagier communalas.
- 2 Resalvadas restan pinavant las prescripziuns vertentas digl dretg federal e cantunal scu er dallas instituziuns, allas qualas igl èn neidas surdadas las incumbensas an connex cun l'economisaziun digl rusment.

II Economisaziun digl rusment

1. Generalitads

Art. 5

Speztgas da
rusment

- 1 Chesta lescha distingua tranter rusments d'abitadi, ulteriours rusments, rusments spezials ed oters rusments sottaposts ad en'obligaziun da controlla.
- 2 Per rusments d'abitadi valan rusments da tgesa, rusments d'ena cumposiziun cumparegliabla da menaschis da prestaziuns da sarvetsch, da mastiranza, d'industreia e da menaschis agricols.
- 3 Per ulteriours rusments valan rusments da menaschis specifics d'industreia, mastiranza e da prestaziuns da sarvetsch tgi èn nigns cumparegliabels an sia cumposiziun cun rusments da tgesa.
- 4 Per rusments spezials valan las speztgas da rusments tgi vignan menziunadas ainten l'ordinaziun digl cunsegl federal davart igl traffic cun rusments spezials. Da chels rusments fon part rusments scu battareias, gleischs fluo-rescentas, meds per tractar plantas, meds per conservar lenn, meds dissolvents, meds per sprizzar e sfardantar, rests da calour, ielis minerals, chemicalias e medicamaints.
- 5 Rusments da costruziun èn igls rusments da plazzals da costrucziun scu material da stgavamaint, caltschignatsch (p. ex. material masdo da sbuadas, asphalt extgavo, beton, material da stgavamaint da veias), roba bloccanta da costrucziun (p.ex. rusments combustibels scu lenn, palpieri, cartung e material sintetic) scu er oters rusments tgi sa resultan da lavours da costrucziun u da sbuadas.

Art. 6

Obligaziuns dalla
populaziun e digls
menaschis

- 1 Mintgign e mintgigna è appelo d'evitar rusments.
- 2 Chels tgi caschungan rusments on da separar, deponer separadamaintg, d'utilisar u d'allontanar tals ecologicamaintg, tenor las prescripziuns da chella lescha scu er digl dretg federal e cantunal surordino.

Scumonds

Art. 7

- 1 Igl è scumando da deponer u da sutarar rusments da totta speztga sen taragn public u privat sainza ena lubientscha correspondentia. Exclud da chel scumond è igl compostar sen taragn privat. Igl cumpostar sen taragn public è lubia angal cun lubientscha digl cumegn.
- 2 Igl è scumando da dismetter rusments ainten avas scu er da dismetter rusments cun las avas persas.
- 3 Igl è scumando dad arder rusments or agl liber. Rusments setgs naturals da gôt, campagna ed iert, dastgan neir ars ordvart igl territori d'abitar, schi caschungan angal pac fem.
- 4 Igl transport da rusment d'abitadi pigl allontanar ordvart igl cumegn è lubia angal cun lubientscha dalla suprastanza communal.
- 5 Canasters da palpieri publics na dastgan betg neir utilisos da privats per ramplazzar la dismessa ordinaria da rusment.
- 6 Rusments betg caschunos sen igl territori da cumegn dastgan betg neir deponias tar rimnada da rusment digl cumegn. I valan digl reminent las determinaziuns precedentas.

2. Posts da rimnada

Art. 8

Furmaziun

- 1 Igls posts da rimnada per parager igls rusments on dad esser concepias uscheia, tg'igls rusments possan neir deponias an moda ordinada, vasibla ed accessibla. Els ston esser contanschibels da tot taimp per igls vehichels digl sarvetsch da rimnada.
- 2 Noua tgi las relaziuns pretendan, ògl da neir piglia maseiras da construcziun per schurmager igls posts da rimnada. La suprastanza communal pò prescreiver an spezial l'erecziun da sostas, da hettas da rusment u da recipients da rimnada sutarans.
- 3 Igls posts da rimnada communals scu er posts da rimnada privats per ples edifezis u antiers quartiers on da neir cuverts per regola cun en tetg, equipos cun ena hetta da rusment u cun en recipient sutaran. Chels on da s'integrar bagin aint igl maletg dalla vischnanca e dalla veia.

Art. 9

Mantignamaint e
renovaziun

- 1 Igls posts da rimnada da rusment on da neir mantignias e renovos da lur proprietarias e proprietaris.

- 2 Igl posts da rimnada privats on da neir mantignias permanentamaintg an bung stadi, on da neir nattageas regularmaintg e da neir rumageas igl anviern da neiv e da glatsch. Schi l'obligaziun da mantignamaint vign negligeida, alloura peglia la suprastanza communal las maseiras necessarias.

3. Menaschi da rimnada

Art. 10

Acceptaziun
digls rusments

- 1 Igl cumegn è obliia da piglier ancunter tot igls rusments d'abitadi scu er pitschnas quantitats da rusments spezials, caschunos segl territori communal, e d'economisar tals a moda ecologica. Resalvadas restan regulaziuns spezialas ainten chesta lescha u tenor dretg cantunal e federal surordino.
- 2 La suprastanza communal decida, sch'igl cumegn renunztga da rimnar igls rusments, per cass tgi exista en sistem da rimnada ed economisaziun da rusments, mano d'ena economia privata tgi funcziunescha.
- 3 L'obligaziun da piglier ancunter igls rusments digl cumegn scroda, schi existan sarvetschs da rimnada privats tg'èn nias sottamess all'obligaziun da piglier ancunter igls rusments aint igl rom dalla lubientscha.

Art. 11

Dretgs ve digls
rusments

- 1 Cun la consegna digls rusments ad en post da rimnada da rusments valan igls dretgs digl anteriour possessour per spiros. En dretg d'indemnisaziun n'exista betg. Igl ulteriour dretg da disponer sottastat sulettamaintg agl cumegn resp. alla corporaziun.
- 2 Tgi tgi consegna rusments, ò da star bung anfignen la dismessa totala per eventuels donns e consequenzas spezialas tgi sa resultan da chests rusments, schinavant tgi chels èn sa resultos antras en ager illegal.

Art. 12

Obligaziun
d'adiever

- 1 Igl adiever digls posts da rimnada e digls sarvetschs da rimnada communal è obligatoric.
- 2 Tot las casadas e tot igls menaschis èn obliias da lascher manar d'avent igls rusments d'abitadi antras igl sarvetsch da rimnada da rusments, schinavant tg'igl dretg surordino e chella lescha cuntignan nignas prescripziuns divergentas.
- 3 An cass spezials pò la suprastanza communal lubeir transports da dismessa privats.

Art. 13

Plan da
dismessa

- 1 La suprastanza communal relascha en plan da dismessa.
- 2 Igl plan da transport inditgescha igls deis per la dismessa ordinaria e per las dismessas spezialas. Midadas digl plan da transport vignan communitgeidas a taimp.
- 3 Sen posts da rimnada agl liber dastgan igls rusments destinoss pigl transport neir deponias pir igl de digl transport (rusment, roba bloccanta e rusments rimnos separadamaintg).

Art. 14

Rusments rimnos
separadamaintg

- 1 Rusments tgi vignan rimnos u piglias anavos separadamaintg per igls utilizar u allontanar a moda ecologica, scu p.ex. palpieri, glas, scatlas da tola, aluminium, textiliass, metals, apparats electricss ed electronics vigls scu er rusments spezialss, on da neir deponias separadamaintg dallas possessouras e digls possessours igls deis fixos per igl transport spezial, on da neir surdos agls posts da rimnada fixos specificamaintg e publics u on da neir returns agls obliias persiva.
- 2 La suprastanza communal decida, per quals rusments tgi vignan organisadas rimnadas separadas.
- 3 Schi terzas persungas (scolas, uniuns e.u.a.) organiseschan rimnadas cun la lubientscha dalla suprastanza communal, alloura procura igl cumegn per en andamaint regular e garantesscha igl transport digls rusments ainten menaschis adattos per l'utilisaziun u pigl allontanamaint.

Art. 15

Rusment d'abitadi
masdos

- 1 Rusments d'abitadi masdos (rusment) da casadas e da menaschis on da neir parageas dallas possessouras e digls possessours aint igls satgs da rusment definias digl cumegn.
- 2 Igl satg da rusment definia ò da neir deponia sen igls posts da rimnada inditgias digl cumegn.
- 3 Igl parager rusment da menaschis da mastiranza ò da succeder ainten containers da norma Sistem WIGA (pasar, identifitgier, far giu chint).
- 4 Igl cumprar, equipar (Sistem WIGA), mantigneir e nattager containers da norma privats, è tgossa digls posessours. Igl cumegn surpeggia nigra responsabladad per donnss e persa da tals.

Art. 16

Roba bloccanta

- 1 Rusments d'abitadi combustibels tgi na vignan betg rimnos separadamaintg e tgi na pon betg neir parageas ainten satgs da rusment u ainten containers, on da neir dismiss cuigl transport da roba bloccanta.
- 2 Roba bloccanta pitschna ò da neir parageda segls posts da rimnada an faschs u scatlas bagn saradas da maximal 100 x 60 x 60 cm u 140 x 50 x 50 cm e max. 20 kg.
- 3 Roba bloccanta gronda scu lenna, litgiras, canapes, chistas e.u.a. pon neir cunsignias segls posts da rimnada u surdos directamaintg agl stabilimaint dad arder.
- 4 La suprastanza communal pò restranscher la recepziun da roba bloccanta or da casadas.

Art. 17

Apparats
electrics ed
electronics

- 1 Apparats electrics ed electronics na dastgan betg neir masdos cun oters rusments. Els on da neir returnos dallas possessouras e digls possessours agls obliias persiva (p. ex. posts da vendita digl product correspondent) u da neir cunsignias ad en post da rimnada public.

Art. 18

Rusments spezials
ed oters rusments
sottamess ad ena
controlla

- 1 Rusments spezials ed oters rusments sottamess all'obligaziun da controlla na dastgan betg neir masdos cun oters rusments. Els on da neir returnos agls possessours digls posts da vendita digl product correspondent resp. agls obliias persiva, tenor pussebladad aint igls amballadis originals.
- 2 Igl cumegn procura tgi rusments da tgesa scu er quantitads pi pitschnas da rusments spezials ed oters rusments, sottamess all'obligaziun da controlla, da menaschis da mastiranza e tgi na pon betg neir returnos ple, possan neir deponias segls posts da rimnada spezials, tgi èn nias dessignias dalla suprastanza communal. Igls posts da rimnada respectivs vignan publitgias periodicamaintg aint igls organs da publicaziun uffizials.
- 3 Quantitads pi grondas da rusments spezials e rusments sottamess all'obligaziun da controlla or da menaschis da prestaziuns da sarvetsch, da mastiranza, d'industreia e da menaschis agricols on da neir dismiss a moda ecologica a chint digls possessours.

Art. 19

Rusments da
construcziun

- 1 Rusments da construcziun on da neir dismiss tenor las prescripziuns dalla confederaziun e tenor las ordinaziuns digl cantun. Els ston neir separos tenor speztga da rusment segl plazzal da construcziun u sen igls plazs lubias per rimnar e sortair igls rusments.

- 2 Rusments da construcziun tgi n'èn betg nias sortias gio segl plazzal da construcziun, on da neir transportos digl possessour sen agen chint sen en plaz lubia per rimnar e sorteir rusments.
- 3 Material da stgavamaint, da rumageda e sbuada betg tschuffargnea ò da neir mano digl caschunader sen agen chint directamaintg sen en deposit da material.
- 4 Aint igl rom dalla procedura per la lubientscha da construcziun sa franca l'autorità da biagier tgi las prescripziuns respectivas vignan observadas.

Art. 20

Vanzadeiras da tgadafi e da menaschis da gastronomia

- 1 Vanzadeiras reutilisablas da tgadafi e da menaschis da gastronomia na dastgan betg neir masdadas cun oters rusments. Las vanzadeiras da tgadafi on da neir dismissas sen agen chint conform alla lescha.

4. Stabilimaints da rusment

Art. 21

Stabilimaints communals

- 1 Tenor basigns erigia e magna igl cumegn igls stabilimaints da rusment tgi èn necessaris per la dismessa da rusments d'abitadi e d'ulteriours rusments.
- 2 La planisaziun e la fixaziun digls lis dallas deponias e dad oters stabilimaints impurtants per dismetter rusments succeda aint igl rom dalla planisaziun da rusments cantunala e tenor las disposiziuns dalla legislaziun davart la planisaziun digl territori.
- 3 Per la lubientscha e per las preteisas tecnicas dalla construcziun e digl menaschi digls stabilimaints per dismetter rusments valan las disposiziuns federalas e cantunalas.

III Finanziaziun

1. Expensas digl cumegn

1.1. Generalitads

Art. 22

Speztgas da taxas

- 1 Igl cumegn corva igls sies costs per economisar igls rusments cun incassar taxas da rusment tgi sa cumponan da taxas fundamentalas e da taxas tenor quantidad tgi corvan igls costs e tgi èn conformas agl caschunader. Schi las

taxas tgi corvan igls costs e tgi èn conformas agl caschunader periclitessan igl allontanamaint ecologic digls rusments d'abitadi, alloura porta igl cumegn ena part digls costs cun meds generals.

- 2 La taxaziun e la disposiziun dallas taxas fundamentalas e da quantitat succeda tenor las prescripziuns da chesta lescha e tenor la tariffa da taxas relascheda dalla suprastanza communal.
- 3 Igl chint per economisar igls rusments vign mano scu finanziaziun speziala.

Art. 23

Stabilimaints
privats

- 1 La finanziaziun da posts da rimnada e da stabilimaints privats è tgossa digls privats.
- 2 Schi stabilimaints privats servan a ples bagns immobigliars, on igls costs collias cotras da neir repartias digls privats sezs. Resalvada resta la repartiziun digls costs antras la suprastanza communal a caschung da proceduras da planisaziun da quartier scu er da posts da rimnada privats, tgi on da neir erigias resp. utilisos sen ordinaziun dalla suprastanza communal.

Art. 24

Obligaziun da
paer taxas

- 1 Dabet dallas taxas èn las proprietarias ed igls proprietari inscuretgs aint igl register funsil igl mument dalla scadenza. Tar proprietad communabla èn dabets dallas taxas fundamentalas igls proprietari da cuminanza, tar cumproprietad igls conproprietaris, tar proprietad da condomini igls proprietari da condomini. An cass da relaziuns da dretg da construcziun on las taxas fundamentalas da neir paedas dallas persungas cugl dretg da construcziun.
- 2 Schi en bagn immobigliar meida mang siva la scadenza, croda l'obligaziun da paer tottas taxas restantas sen la nova proprietaria resp. igl nov proprietari.
- 3 Chints e disposiziuns vignan tarmess allas persungas tg'èn inscuretgas aint igl register funsil igl mument dalla facturaziun. An cass da relaziuns da dretg da construcziun succeda la facturaziun allas persungas cun dretg da construcziun, an cass da proprietad communabla u da cumproprietad ad egna dallas proprietarias u proprietari comunabels tar proprietad an condomini agls proprietari da condomini.

1.2. Taxas da rusment

Art. 25

Taxa
fundamentala

- 1 Per edifizis tgi cuntignan abitaziuns e posts da lavour u tar igls quals i sa resultan regularmaintg rusments, ègl da paer ena taxa fundamentala periodica annuala.

- 2 Igl import dalla taxa fundamentala vign fixo dalla suprastanza communal a fundamaint digls costs preventivs ainten en reglamaint da tariffas ed examino periodicamaintg. Ainten l'aggiunta 1 davart dallas tariffas da taxas vign fixo igl rom dalla taxa fundamentala. Chella aggiunta furma ena part integrala dalla lescha davart l'economisazun da rusment digl cumegn Albula/Alvra.

Art. 26

Disposiziun

- 1 Las taxas fundamentalas scadan mintgamai sen la fegn d'en onn calendaric. Schi succeda ena midada da mang durant igl onn, alloura vo la scadenza per la taxa debitada pro rata an vigour cun la midada da mang. Igl cumegn è legitimo da pretender paiamaints a conto agl rom dallas taxas prevediblas.
- 2 Chints e disposiziuns on da neir cunsignias da prancepi agl proprietari resp. allas persungas cun igl dretg da construcziun. Schi igl bagn immobigliar vign vandia siva dall'obligaziun da paer las taxas, vo l'obligaziun da paer las taxas fundamentalas ve segl cumprader.
- 3 Las taxas fundamentalas èn da paer an terma da 30 deis siva la cunsigna digl chint da taxas. An cass d'en paiamaint retardo vign calculo en tschains da retard (tenor tariffas cantunalas).

Art. 27

Taxas tenor
quantitad

- 1 Per rusment e roba bloccanta pitschna inflammabla vignan incassadas taxas tenor quantitad.
- 2 Igl import dalla taxa da quantitad vign fixo dalla suprastanza communal a fundamaint digls costs preventivs ainten en reglamaint da tariffas ed examino periodicamaintg. Ainten l'aggiunta 1 davart dallas tariffas da taxas vign fixo igl rom dalla taxa fundamentala. Chella aggiunta furma ena part integrala dalla lescha davart l'economisazun da rusment digl cumegn Albula/Alvra.
- 3 Las taxas per satg vignan paedas cun la compra digls satgs da rusments definias e/u la compra da marcas per amballadi da rusment. Containers da mastiranza on da neir equipos cuagl Sistem WIGA. Per faschs da roba bloccanta ston neir cumpradas marcas da cumegn, tgi on da neir tatgedas ve a moda bagn vasibla.
- 4 Satgs da rusment betg definias digl cumegn scu er amballadis sainza marcas vignan betg allontanos resp. svidos. Igl cumegn pò dismetter sezs tals satgs u amballadis e metter a chint las expensas collieidas cotras agl obliia.
- 5 Las taxas tenor quantitad pon neir incassadas er directamaintg tenor igl domber, peis u volumen.

Art. 28

Taxa supplementara per quantitads pi grondas da rusments da menaschis

- 1 Schi sa resultan ainten en menaschi quantitads pi grondas da rusments rimnos separadamaintg, digls quals igls costs d'allontanamaint vignan evidentamaintg betg cuverts aint igl singul cass antras la taxa fundamentala tg'igl menaschi presta, alloura incassa igl cumegn taxas supplementaras spezialas tenor la quantidad.
- 2 Igl import dallas taxas supplementaras ò da neir fixo dalla suprastanza communal uscheia, tg'igls costs da dismessa supplementars tgi sa resultan per igl cumegn vignan cuverts.
- 3 Schi las premissas per incassar ena taxa supplementara èn adampleidas, alloura pon menaschis da prestaziuns da sarvetsch, da mastiranza e d'industreia scu er menaschis agricols neir obliias dalla suprastanza communal da, an pe da paer la taxa supplementara, dismetter sezs e sen agen costs igls rusments tg'èn nias rimnos separadamaintg e chegl a moda conforma alla lescha.

1.3. Taxas per prestaziuns da sarvetsch spezialas

Art. 29

Taxas per prestaziuns da sarvetsch spezialas

- 1 Per prestaziuns da sarvetsch spezialas digl cumegn pon neir incassadas taxas spezialas digls caschunaders.
- 2 Per conceder lubientschas u otras absorbaziuns dall'administraziun communal vignan incassadas taxas.
- 3 Igl import da chellas taxas vign fixo ainten la tariffa da taxas, agiunta 1.

1.4. Meds legals

Art. 30

Protestas

- 1 Protestas cunter la taxaziun dallas taxas fundamentalas scu er protestas an connex cugl incassamaint da taxas tenor quantidad u da taxas per prestaziuns da sarvetsch spezialas èn d'inoltrar agl cumegn an scretg e mutivadas.
- 2 Sch'igl incassamaint dallas taxas succeda cun en chint, alloura ègl da protestar an terma da 30 deis siva dalla facturaziun, per oters cass an terma da 30 deis siva digl paiamaint dallas taxas.
- 3 La suprastanza communal examinescha la protesta e relascha ena decisiun da protesta mutivada.

IV Determinaziuns executivas e finalas

Art. 31

Execuziun

- 1 La suprastanza communalà è oblieida d'exequair chesta lescha scu er d'applitgier las prescripziuns federalas e cantunalas davart l'economisaziun da rusment, schinavant tgi en'otra autorità na vign betg declarada expressivamaintg per cumpetenta.
- 2 Ella pò surdar tschertas incumbensas a singuls departamaints.
- 3 An cass da basigns pò ella consultar cunsigliers spezialisos.

Art. 32

Disposiziuns
penalas

- 1 Cuntravenziuns cunter chesta lescha scu er cunter las disposiziuns executivas tgi sa basan a tala, schinavant tg'ellas concernan prescripziuns u cumonds davart igl rimnar, tigneir an salv, reutilisar u dismetter rusments e tgi na crodan betg sot la legislaziun federala u cantunala, pon neir puneidas antras la suprastanza communalà cun ena multa d'anfignen 5'000.– fr.
- 2 An cass da cuntravenziuns cunter prescripziuns digl dretg da construcziun e da planisaziun da chesta lescha, u cunter disposiziuns d'execuziun respectivas u disposiziuns dall'autorità da biagier valan las determinaziuns penalas dalla lescha da biagier.
- 3 Cumpetenta per persequair e giuditgier cuntravenziuns tenor l'alineia 1 è la suprastanza communalà. Avant tgi fixar la multa, ògl da neir consentia en'attenziun giuridica. L'ordinaziun dalla multa succeda antras la suprastanza communalà.

Art. 33

Referendum,
vigour,
dretg transitoric


- 1 Chesta lescha è sottomessa agl referendum facultativ.
- 2 La suprastanza communalà destigna l'antrada an vigour da chesta lescha.
- 3 Cun l'antrada an vigour da chesta lescha vignan abrogadas tot las anteriouras prescripziuns communalas cuntradictoricas, spezialmaintg las leschas per l'economisaziun digl rusment digls cumejns d'anfignen adacò.

Igl mastral



Daniel Albertin

Igl scrivant da cumejn



Maurus Engler

TARIFFA DA TAXAS

Agiunta 1

Sa basond agl art. 22, 25, 27 ss. dalla lescha d'economisaziun da rusment digl cumegn Albula/Alvra

Normas da taxas

1. Taxas fundamentalas

minimal / maximal
(excl. TPV)

- **Taxa fundamentala per casada** 100.00 fr. 250.00 fr.

Stanzas e tgadafi (incl. nischa da cuschar) furman ena casada, independent digl domber da persungas e dalla frequenza d'adiever.

- **Taxa fundamentala per menaschis da prestaziuns da sarvetsch, mastiranza, commers, menaschis agricols u administrativs**

100.00 fr. 250.00 fr.

Ainten localitads da lavour stablas spezialas aint igl intern u extern dalla tgesa d'abitar (supplementarmaintg tiers en taxa fundamentala eventuala per casada).

- **Aclas/Tgamonas da tgatscha** 50.00 fr. 125.00 fr.

Per proprietaris dad aclas/tgamonas da tgatscha, cun stanza e tgadafi (incl. nischa da cuschar) tgi paian nigna taxa fundamentala segl territori digl cumegn.

2. Taxas dependentas dalla quantidad

Taxas d'amballadi

minimal / maximal
(excl. TPV)

Per rusment d'abitadi inflammabel

per satgs da 17 liters	1.00 fr.	2.00 fr.
per satgs da 35 liters	2.00 fr.	4.00 fr.
per satgs da 60 liters	3.00 fr.	7.00 fr.
per satgs da 110 liters	5.00 fr.	13.00 fr.

WIGA angal containers cun la registraziun

digl peis per kg	0.50 fr.	1.00 fr.
per svidada digl container	2.80 fr.	5.00 fr.

minimal / maximal
(excl. TPV)

Roba bloccanta pitschna (peisa max. 20 kg, maseiras max. 100 x 60 x 60 cm u 140 x 50 x 50 cm) per fasch **5.00 fr.** **13.00 fr.**

Roba bloccanta groppa per kilogramm **0.50 fr.** **1.00 fr.**

Las taxas per rusments rimnos separadamaintg, rusments speziala e verds e material da stgavamaint digl cumegn Albula/Alvra vignan fixadas mintgamai dalla suprastanza communal aint igl reglamaint da tariffas.

3. Taxas per prestaziuns da sarvetsch spezialas

minimal / maximal
(excl. TPV)

Taxas per prestaziuns da sarvetsch spezialas **50.00 fr.** **150.00 fr.**